

Saarullik

Qallunaatut atia: Almindelig torsk


Latiinerisut atia: Gadus morhua

Tuluttut atia: Atlantic Cod; Cod

Sorlernut ilaava: Aalisakkat

Uumasooqatai: Saarullikkut

Ilaqutai: Saarulliit



Saarullik uumasuuvoq kangerlunni, sinerissami imaluunniit ikkannersuarni Kitaani Diskop kujataani Tunumilu Ammassallup kujataani. 600 meterit tikillugit itissusilimmi immap natingajaani ikerinnarmiluunniit ataatsimoortukkuutaartarput. Saarullik pisariumaneqartaqaaq nerisassaalluni pingaarutilik.

Ilisarnaatai

Tallumigut umiisaqarpoq, qimerlummigut pingasunik avaleraasaqarluni itimilu kingornagut marlunnik anguuteqarluni. Avatangiisai apeqqutaallutik qalipaataa assigiinngiiaartuuvoq, nalinginnaasumilli taartunik milaqarpoq, qaamasunik saneqqamigut titarneqarluni naavi qaqornerullutik. Qania angisuujuvoq kiguserfia qulleq anillangasuulluni.

Nerisai

Nerisarai aalisakkat, peqqukujuit immallu qullugiai, umiisani iluaqutigalugu immap naqqani nassaarisakkani.

Paasisutissat

Umaffii: Imaq

Takissusia: 150 cm tikillugu

Inuunini tamaat alliaartarpoq

Oqimaassusia: 50 kg tikillugu

Suai: 500.000-9.000.000

Suffisarpoq: Januaari-apriili

Kinguaassiorsinnaalersarpoq 2-12-nik

ukioqaleraangami

Nalungiliuk?

Saarulleqatigiikkuutaat amerlanerit januaari-apriilimi kinguaassiortarput 4-6 gradinik kissassusilimmi. Tamanna pisarpoq angutivissap arnavissallu ikerinnarmi naatik imminnut attuullugit angutiviaq immutserisoq arnaviaq suammunik aniatitsilluni. 2007-mili Tunup avataani ikkannersuarni saarulliit suffisalersimapput. Taamaalilluni neriunarpog ukiorpaalussuit saarulliit tammarsimasimariarlutik amerliartoqqilernissaat.